

資治通鑑

第十一冊

新學堂

PDG

光緒壬寅孟夏月上海
積山書局第四次石印

資治通鑑序

御製

朕惟君子多識前言往行以畜其德故能剛健篤實輝光日新書亦曰王人求多聞時惟建事詩書春秋皆所以明乎得失之迹存王道之正垂鑑戒於後世者也漢司馬遷紬石室金匱之書據左氏國語推世本戰國策楚漢春秋采經摭傳罔羅天下放失舊聞考之行事馳騁上下數千載開首記軒轅至于麟止作爲紀表世家書傳後之述者不能易此體也惟其是非不謬於聖人褒貶出於至當則良史之才矣若稽古

英考留神載籍萬機之下未嘗廢卷嘗命龍圖閣直學士司馬光論次歷代君臣事迹俾就秘閣繕閱給吏史筆札起周威烈王訖于五代光之志以爲周積衰王室微禮樂征伐自諸侯出平王東遷齊楚秦晉始大桓文更霸猶託尊王爲辭以服天下威烈王自陪臣命韓趙魏爲諸侯周雖未滅王制盡矣此亦古人述作造端立意之所繇也其所載明君良臣切摩治道議論之精語德刑之善制天人相與之際休咎庶證之原威福盛衰之本規模利害之効良將之方略循吏之條教斷之以邪正要之於治忽辭令淵厚之體箴諫深切之義良謂備焉凡十六代勒成二百九十六卷列于戶牖之間而盡古今之統博而得其要簡而周于事是亦典刑之總會冊牘之淵林矣苟卿有言欲觀聖人之迹則於其粲然者矣後王是也若夫漢之文宣唐之太宗孔子所謂吾無間焉者自餘治世盛王有慘怛之愛有忠利之教或知人善任恭儉勤畏亦各得聖賢之一體孟軻所謂吾於武成取二三策而已至于荒墜顛危可見前車之失亂賊姦宄厥有履霜之漸詩云商鑑不遠在夏后之世故賜其書名曰資治通鑑以著朕之志焉耳

治平四年十月初開

經筵奉

聖旨讀資治通鑑其月九日臣光初

進讀

面賜

御製序令候書成日寫入

興文署新刊資治通鑑序

古今載籍之文存於世者多矣苟不知所決擇而欲遍觀之則窮年不能究其辭沒世不能通其義是猶入海弄沙成功何年善乎孟子之言曰堯舜之智而不遍知急先務也大抵士君子之學期於適用而已馳騫乎高遠陷溺乎異端放浪於詞華皆不足謂之學矣易曰君子多識前言往行以畜其德說命曰學古入官議事以制政乃不迷若此者可謂適用之學矣前脩司馬文正公遍閱歷代舊史旁採諸家傳記刪繁去冗舉要提綱纂成資治通鑑二百九十四卷上起戰國下終五季一千三百六十二年之間賢君令主忠臣義士志士仁人與邦之遠略善俗之良規匡君之格言立朝之大節叩函發帙靡不具焉其於前言往行蓋兼畜而不遺矣其於裁量庶事蓋擬議而有准矣士之生也苟無意於斯世則已如其抱負器業未甘空老明時將以奮發而有為也其於是書可不熟讀而深考之乎

朝廷閭庠序之荒蕪歎人材之衰少乃於京師剏立興文署署置令丞并校理四員

咸給祿廩召集良工剡刻諸經子史版本頒布天下以資治通鑑為起端之首可謂知時事之緩急而審適用之先務者矣噫遐鄉小邑雖有長材秀民嚮慕於學而無書可讀惘然以空老者多矣是書一出其為天下福澤利益可勝道哉昔圯上老人出袖中一書而留侯為萬乘師穆伯長以昌黎文集鏤板而天下文風遂變今是書一布不及十年而

國家人材之盛可拭目而觀之矣翰林學士王磐序

新註資治通鑑序

古者國各有史以紀年書事晉乘楚檣杙雖不可復見春秋經聖人筆削周轍既東二百四十二年事昭如日星秦滅諸侯燔天下書以國各有史刺譏其先疾之尤甚詩書所以復見者諸儒能藏之屋壁諸國史記各藏諸其國國滅而史從之至漢時獨有秦記太史公因春秋以爲十二諸侯年表因秦記以爲六國年表三代則爲世表當其時黃帝以來謀記猶存具有年數子長稽其歷譜牒終始五德之傳咸與古文事異且謂孔子序書略無年月雖頗有然多闕夫子之弗論次蓋其慎也子長述夫子之意故其表三代也以世不以年汲冢紀年出於晉太康初編年相次起自夏殷周止魏哀王之二十年此魏國史記脫秦火之厄而晉得之子長不及見也子長之史雖爲紀表書傳世家自班孟堅以下不能易難以紀紀年而書事略甚蓋其事分見志傳紀宜略也自荀悅漢紀以下紀年書事世有其人獨梁武帝通史至六百卷侯景之亂王僧辯平建業與文德殿書七萬卷俱西江陵之陷其書燼焉唐四庫書編年四十一家九百四十七卷而王仲淹元經十五卷蕭穎士依春秋義類作傳百卷逸矣今四十一家書存者復無幾乙部書以遷固等書爲正史編年類次之蓋紀傳表志之書行編年之書特以備乙庫之藏耳宋朝英宗皇帝命司馬光論次歷代君臣事迹爲編年一書神宗皇帝以鑑于往事有資於治道賜名曰資治通鑑且爲序其造端立意之由溫公之意專取關國家盛衰繫生民休戚善可爲法惡可爲戒者以爲是書治平熙寧間公與諸人議國事相是非之日也蕭曹畫一之辯不足以勝變法者之口分司西京不豫國論專以書局爲事其忠憤感槩不能自已於言者則智伯才德之論樊英名實之說唐太宗君臣之議樂李德裕牛僧孺爭維州事之類是也至於黃幡綽石野豬俳諧之語猶書與局官欲存之以示警此其微意後人不能盡知也編年豈徒哉世之論者率曰經以載道史以記事史與經不可同日語也夫道無不在散於事爲之間因事之得失成敗可以知道之萬世亡弊史可少歟爲人君而不知通鑑則欲治而不知自治之源惡亂而不知防亂之術爲人臣而不知通鑑則上無以事君下無以治民爲人子而不知通

鑑則謀身必至於辱先作事不足以垂後乃如用兵行師創法立制而不知迹古人之所以得鑑古人之所以失則求勝而敗圖利而害此必然者也孔子序書斷自唐虞訖文侯之命而繫之秦魯春秋則始於平王之四十九年左丘明傳春秋止哀之二十七年趙襄子蒧智伯事通鑑則書趙興智滅以先事以此見孔子定書而作春秋通鑑之作實接春秋左氏後也溫公徧閱舊史旁採小說扶植幽隱管稗爲書勞矣而修書分屬漢則劉攽三國汜于南北朝則劉恕唐則范祖禹各因其所長屬之皆天下選也歷十九年而成則合十六代一千三百六十二年行事爲一書豈一人心思耳目之力哉公自言修通鑑成惟三勝之借一讀他人讀未盡一紙已欠伸思睡是正文二百九十四卷有未能徧觀者矣若考異三十卷所以叅訂羣書之異同俾歸于一目錄三十卷年經國緯不特使諸國事雜然並錄者繁然有別而已前代歷法之更造天文之失行實著於目錄上方是可以凡書目錄觀邪先君篤史學淳祐癸卯始患鼻衄讀史不暫置灑血漬書遺跡故在每謂三省曰史漢自服虔應劭至三劉注解多矣章懷注范史裴松之注陳壽史雖閒有音釋其實廣異聞補未備以示博洽晉書之楊正衡唐書之竇苹董衝吾無取焉徐無黨註五代史粗言歐公書法義例他未之及也通鑑先有劉安世音義十卷而世不傳釋文本出於蜀史炤馮時行爲之序今海陵板本又有溫公之子康釋文與炤本大同而小異公休於書局爲檢閱官是其得溫公辟咤之教詔劉范諸公羣居之講明不應垂刺乃爾意海陵釋文非公休爲之若能刊正乎三省捧手對曰願學焉乙巳先君卒盡瘁家盡又從事科舉業史學不敢廢也寶祐丙辰出身進士科始得大肆其力於是書游宦遠外率携以自隨有異書異人必就而正焉依陸德明經典釋文釐爲廣註九十七卷著論十篇自周訖五代略敘興亡大致咸淳庚午從淮壩歸杭都延平廖公見而韙之禮致諸家俾離校通鑑以授其子弟爲著讎校通鑑凡例廖轉薦之賈相國德祐乙亥從軍江上言輒不用旣而軍潰閒道歸鄉里丙子浙東始騷辟地越之新昌師從之以掣免失其書亂定反室復購得他本爲之註始以考異及所註者散入通鑑各文之下歷法天文則隨目錄所書而附註焉汜乙酉冬乃克徹編凡紀事之本

末地名之同異州縣之建置離合制度之沿革損益悉疏其所以然若釋文之外謬悉改而正之著辯誤
十二卷嗚呼註班書者多矣晉灼集服應之義而辯其當否臣瓚總諸家之說而駁以己見至小顏新註
則又譏服應之疎素尚多蘇晉之割斷蓋甚訾臣瓚以差爽詆蔡謨以抵牾自謂窮波討源構會甄釋無
復遺恨而劉氏兄弟之所以議顏者猶顏之議前人也人苦不自覺前註之失吾知之吾註之失吾不能
知也又古人註書文約而義見今吾所註博則博矣反之於約有未能焉世運推遷文公儒師從而凋謝
吾無從而取正或勉以北學於中國嗜有志焉然善衰矣旃蒙作噩冬十有一月乙酉日長至天台胡三
省身之父書于梅磳蠓居

觀前古興衰治亂之迹鎔冶於胸而經濟之儒出焉歷代史冊繇矣鄉僻老宿或終身不睹全史度藏家泛有丹黃恆困不終卷一二記誦之士矻矻窮年抑棟於名物而遺取義之要彀列制作不著損益得失之歸學無所衷故博聞而黜適於用經世之務與史學歧為二端不以病乎宋司馬溫公匯萃十七史采用雜史二百餘種作資治通鑑自綱常之鉅治平經久之規極諸軍國艱難措畫之際變而通之莫不裁以至當不易之理使天下後世曙然於法戒所在洵羣史之綱領求治之津涂也日昌奉

命撫吳幸處東南亂定之後奏設書局首刊敕令書若乃通括治體經緯萬端上下數千年固莫盛於通鑑爰議覆鄱陽胡氏仿元本從二百九十四卷授工逆而上之已就四十許卷則聞胡氏板尚存其家輒轉物色購得之板至則二百八卷已下燬他卷差完新舊適相銜接新刊者八十七卷釋文辨誤十二卷起戊辰四月迄今年二月書成竝上海致通鑑目錄宋刊本常熟致鄱陽胡氏通鑑外紀注未刊本次第付梓而蘇松太兵備道應君寶時先從嘉興所收鎮洋畢氏續通鑑板已議歸書局於是自伏羲降至元季編年紀事之書燦然大備外紀注本晦五十年復出與天台胡注竝行豈具有數存耶嘗論古今賢豪任天下之重恃才學識三者

而才與識生於學讀通鑑一書知夫用人行政開物成務強本抑末杜漸防微後之人百思不得者前之人先我行之或所未行存其說以詔來世而因時變通之道思深者有同揆焉方今中原蕩滌百姓想望治平亟賴吾黨偉杰君子起而振之讀有用之書為有用之學請與海內士大夫勉勉焉共守是編其可乎時

同治八年春三月癸酉朔

誥授資政大夫兵部侍郎兼都察院右副都御史巡撫江蘇等處地方提督軍務兼理糧餉加三級豐順丁日昌謹序

重刊元本資治通鑑後序

宋司馬溫公資治通鑑一書爲史家絕作元天台胡身之音注宏通博洽其義例詳見自序中數百年來學者奉爲寶書久矣洪惟我

聖朝右文稽古 四庫所儲蒐羅大備伏讀

聖祖仁皇帝御批通鑑綱目

高宗純皇帝御批通鑑輯覽

御製評鑑開要諸書仰見

列聖筆削特衡昭垂褒貶薄海人士固已敬誦而精研之恭逢

皇上幾餘典學復勅脩明鑑以續范祖禹唐鑑之書而史學於是乎益昌竊謂史家編年之有綱目其書法褒貶猶決事之有讞斷而通鑑則案牘之全也得全牘而讞斷之精義益明讀通鑑而綱目之是非乃備固非資涉獵矜記誦以侈多聞而已身之元本傳世日稀前明以來傳刻不下十餘種而展轉刊雕舊觀滋失識者病諸壬申之春予承乏江寧藩使適獲元初舊刻卷首有玉璽一序謹案

欽定天祿琳琅書目所謂元時官刻本也於是遽使阿公厚菴暨諸相知佐資煬匠設局於孫伯淵觀察之家祠延文學顧君廣圻彭君兆蓀及族弟樞爲校勘翻雕之視元本無異加精美焉聞有致疑不敢臆改擬別爲考證以質來茲承學之士由此書以博徵千三百六十二年治忽之迹因益以仰窺

寶哉予奪之公識千古勸懲之旨其裨益於人心學術者甚大夫豈詞章訓詁之書所可同年而議豐碑哉予既賴諸君子相助之雅而幸古籍之得傳故樂書其緣起如此若夫溫公當日作書之意與其持身行政之大益非淺嘗略涉守陳言故紙所得而踰者讀其書知其人是在學者自得之矣

嘉慶二十一年四月上旬都陽胡克家書

資治通鑑序

御製

朕惟君子多識前言往行以畜其德故能剛健篤實輝光日新書亦曰王人求多聞時惟建事詩書春秋皆所以明乎得失之迹存王道之正垂鑑戒於後世者也漢司馬遷紬石室金匱之書據左氏國語推世本戰國策楚漢春秋采經摭傳罔羅天下放失舊聞考之行事馳騁上下數千載開首記軒轅至于麟止作爲紀表世家書傳後之述者不能易此體也惟其是非不謬於聖人褒貶出於至當則良史之才矣若稽古

英考留神載籍萬機之下未嘗廢卷嘗命龍圖閣直學士司馬光論次歷代君臣事迹俾就秘閣繕閱給吏史筆札起周威烈王訖于五代光之志以爲周積衰王室微禮樂征伐自諸侯出平王東遷齊楚秦晉始大桓文更霸猶託尊王爲辭以服天下威烈王自陪臣命韓趙魏爲諸侯周雖未滅王制盡矣此亦古人述作造端立意之所繇也其所載明君良臣切摩治道議論之精語德刑之善制天人相與之際休咎庶證之原威福盛衰之本規模利害之効良將之方略循吏之條教斷之以邪正要之於治忽辭令淵厚之體箴諫深切之義良謂備焉凡十六代勒成二百九十六卷列于戶牖之閒而盡古今之統博而得其要簡而周于事是亦典刑之總會冊牘之淵林矣荀卿有言欲觀聖人之迹則於其粲然者矣後王是也若夫漢之文宣唐之太宗孔子所謂吾無間焉者自餘治世盛王有慘怛之愛有忠利之教或知人善任恭儉勤畏亦各得聖賢之一體孟軻所謂吾於武成取二三策而已至于荒墜顛危可見前車之失亂賊姦宄厥有履霜之漸詩云商鑑不遠在夏后之世故賜其書名曰資治通鑑以著朕之志焉耳

治平四年十月初開

經筵奉

聖旨讀資治通鑑其月九日臣光初

進讀

面賜

御製序令候書成日寫入

興文署新刊資治通鑑序

古今載籍之文存於世者多矣苟不知所決擇而欲遍觀之則窮年不能究其辭漫世不能通其義是猶入海弄沙成功何年善乎孟子之言曰堯舜之智而不遍知急先務也大抵士君子之學期於適用而已馳騫乎高遠陷溺乎異端放浪於詞華皆不足謂之學矣易曰君子多識前言往行以畜其德說命曰學古入官議事以制政乃不迷若此者可謂適用之學矣前脩司馬文正公遍閱歷代舊史旁採諸家傳記刪繁去冗舉要提綱纂成資治通鑑二百九十四卷上起戰國下終五季一千三百六十二年之間賢君令主忠臣義士志士仁人興邦之遠略善俗之良規匡君之格言立朝之大節叩函發帙靡不具焉其於前言往行蓋兼畜而不遺矣其於裁量庶事蓋擬議而有准矣士之生也苟無意於斯世則已如其抱負器業未甘空老明時將以奮發而有為也其於是書可不熟讀而深考之乎

朝廷閭序之荒蕪歎人材之喪少乃於京師剏立興文署署置令丞并校理四員

咸給祿廩召集良工剡刻諸經子史版本頒布天下以資治通鑑為起端之首可謂知時事之緩急而審適用之先務者矣噫遐鄉小邑雖有長材秀民嚮慕於學而無書可讀惘然以空老者多矣是書一出其為天下福澤利益可勝道哉昔圯上老人出袖中一書而留侯為萬乘師穆伯長以昌黎文集鏤板而天下文風遂變今是書一布不及十年而

國家人材之盛可拭目而觀之矣翰林學士王磐序